



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalm. LIX. Eripe me de inimicis meis Deus meus.

urn:nbn:de:hbz:466:1-44993

LIBER II.

97

- 9 Limax ut fluidis viribus eliquet,
Ut foetus, pereat, femineus putri
Tabo disperiens, lumina cui negat
Solis visere morscita.
- 10 Nondum flamma leues corripit grauis
Spinas, ante lebes incaleat nimis
Vester, consilia ut cruda cadant suis
Ebullita furoribus.
- 11 Iusto exempla Dei vindicis agnita,
Visa & pacificam lætitiā ferent;
Testis namque pedes ipse cruoribus
Tinget, sanguine & improbo.
- 12 Ac tunc dicet homo, nempe manet pius
Fructus iustitiæ; nempe polo edito
Illos quidquid agant despiciens DEVS
Terras iudicat infimas.

PSALM. LIX.

Eripe me de inimicis meis Deus meus.

INNOCENTIA DEO SVSCEPTA.

- 1 Ad præstantem, Ne corrumpas: Davidis Mich-
tham, cum mittente Saule observata fuit do-
mus, ut occiderent eum.

Carmen Tricolon Tetra-strophon.

- 2 S Eruatim rabidis me eripe ab hostibus,
Infestisque mihi protege mi DEVS;
3 His quos prava voluntas
Urget fundere sanguinem.
- 4 Namque ecce immeritas insidias meæ
Tendentes animæ in me coeunt viri,
Robustum genus, IAS,
Culpa aut crimine non meo.
- 5 Pravi in me nihil est, & properant tamen,
In meque arma sibi & consilium parant:
Occurre excitus, ac me
Explora, & propius vide.
- 6 Ultor maxime dux tu armigerum DEVS
IAS, quo fruitur PRINCIPE & Israël,
Expergiscere, & omnes
Gentes pro meritis preme.

G 2

Clemens

Limax

- Clemens sis licet, his parcere desine,
 Sæuæ quos agitans cura libidinis
 Factis vsque malignis
 Et prauis studiis tenet.
- 7 Nocturno assimilis turba latrans canā
 Vicos atque vias vr̄bis obambulat;
 8 His labra, osque, minaces
 Enses. namque quis audiet?
- 9 IAS ludus erunt hi tibi, rideas
 Cunctarum studium cœptaque gentium;
 10 Illud robur ego ad te
 Arx nostra experiar D E V S.
- 11 Clemens meque fouens præueniet D E V S;
 Ipse exempla mihi cernere in hostibus
 Concedet D E V S, atque
 Spectare incolumi dabit.
- 12 Hos ne perde simul, ne & populo meo hoc
 Exemplum graue de mente cadat breui;
 Illos detrahe motos
 Noster tu clypee ô D E V S.
- 13 Peccatum ore suo, verbaque proferunt
 Labris falsa suæ plena superbix;
 Iuramenta que fraudi
 Addent dira loquaculi.
- 14 Hos, ne exstare queant, dirue, dirue ex-
 candens; V S Q V E D E V M munere præsidis
 Norint esse Iacobo
 Oras orbis in vltimas.
- 15 Nocturno assimilis turba latrans canā
 Vicos atque vias vr̄bis obambulat,
 16 Quærun̄t quid comedant; hos
 Sed sistet vigiles fames.
- 17 Ipse at manè tuum præsidium canam;
 Et quantum ista mihi est nota benignitas;
 Veram tempore in arcto
 Te arcem ac perfugium mihi.
- 18 Te psallam fidibus præsidium meum,
 Te qui me solitus protegere es D E V S,
 PRINCEPS ille benigno
 Cuius subsidio fruor.